



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

## **Theologia Moralis**

Antehac Ex Probatis Auctoribus breviter concinnata

**Busenbaum, Hermann**

**Coloniae Agrippinae, 1713**

Q. 58. Quid universim notandum sit circa Rubricas.

**urn:nbn:de:hbz:466:1-42624**

Et cùm eis benedicendis interveniat unctio sa-  
cri chrismatis , notant communiter Authores  
solum Papam id posse committere alteri non  
Episcopo : Dicitur tamen esse praxis in Colo-  
nensi & Trevirensi Archidiœcesibus , ut com-  
mittatur etiam Superioribus Ordinum mendi-  
cantium & Societatis J E S U , quamvis eam  
praxin hactenus sequi noluerint in Diœcesi Mo-  
nasteriensi in Westphalia, sed sub annum 1704  
recurrerunt ad Nuncium Apostolicum, qui eam  
facultatem ad tempus dedit Vicario Generali,  
dum visitans obiret Diœcesin . De ritu benedi-  
cendi campanas videri potest Rayn. in Hete-  
rocl. Tom. 15. p. 2. f. 2. pu. 7.

407. Q. 58. *Quid universim notandum sit circa Rubri-  
cas.* R. seqq. §. 1. Rubricæ sunt aliquæ ordina-  
tiones seu directiones Ecclesiæ, secundum quas  
aliqua sunt agenda : & quia rubro charactere  
sæpe scribuntur, dicuntur Rubricæ.
408. §. 2. Rubricæ, quæ sunt circa aliquid ad va-  
lorem Sacrificii requisitum , sunt præceptivæ &  
graviter obligant; uti & illæ, quæ graviter præ-  
cipiunt, aut expressè dicuntur esse observanda  
sub mortali. E contrà multæ ex aliis obligant  
sub veniali tantum , quando nempe non impo-  
nitur grave præceptum, neque materia est adeo  
gravis, specialiter tamen ordinant aliquid, quod  
ad debitam reverentiam spectat. Præterea et-  
iam illæ sunt præceptivæ, de quibus dubitatur,  
an sub mortali obligent.
409. §. 3. Gav. putat dubium esse, an Rubrica  
sequentes sint præceptivæ, an tantum directivæ,  
nempe de principio auroræ & fine meri-  
diei pro Missa legenda, de Cruce in Altari, de pe-  
dibus calceandis, de ueste talari , de pileoli

us

usu concedendo extra canonem, de orationibus ad vestes & post Missam, de missa privata ad arbitrium sine causa, de Missa non approbata nisi pro quibusdam Ecclesiis, de votivis vel Requiem diebus prohibitis, de orationibus additis ex devotione, de his enim omnibus Doctores utrumque disputant, sed quid de illis omnibus tenendum sit, dictum est vel dicetur per decursum.

§. 4. Quamvis Rubrica aliqua non præceptiva, sed directiva tantum, putat tamen probabilius Quarti contra Tamb. & Gob. in Exp. 1.3. n. 737. si absque causa non observetur, peccari venialiter, quia est neglectus temerarius rei meritò observandæ & deordinatio à communi sine rationabili causa, quod videtur esse saltem venialiter malum.

§. 5. Quamvis contemneretur observatio 411. Rubricæ, quia nempe levis est, adeoque etiam, quamvis contemneretur cæremoniæ levitas, adhuc esset veniale tantum, Sot. Laym. Tamb. Gob. n. 738. Morale tamen esset contemnere potestate in Ecclesiæ vel Papæ aut alterius Superioris hoc disponentis, uti dictum est L. 5. num. 242.

Q. 59. Quid notandum sit circa lotionem manuum, orationes ante & post Missam vel inter induendum dicendas. R. seqq. §. 1. Manuum lotionem sub veniali præmittendam esse docent multi apud Dian. p. 1. t. 12. R. 19. quia facit singulariter ad reverentiam Sacrificii: Admittit Gob. n. 828. si manus essent immundæ, & addit, si in Missa advertas digitum atramento notatum, deterge ad lavabo, non tamen sollicitus sis de omni abstergendo, esset enim nimia mora: